



SAKSPAPIR

Saksnr	Utval	Type	Dato
81/2021	Kommunestyret	PS	07.09.2021

Sakshandsamar	Arkiv	ArkivsakID
Hege Eide Vik		21/1108

ARBEIDSPlassar i VERTSKOMMUNEN

Ordførar sitt framlegg til vedtak:

Kommunestyret i Vaksdal vil primært understreke at det er svært beklageleg for dei tilsette og for kommunen at arbeidsplassar knytt til BKK Produksjon på Dale blir lagt ned.

Kommunestyret i Vaksdal vil vidare tydeleg oppmode styret i BKK om å vektlegga dei tilsette og tilsette sine organisasjonar sitt ønskje om ei styrt avvikling av arbeidsplassane på Dale og Matre.

Som vertskommune har vi ingen arbeidsplassar å miste. BKK har i snart 100 år vore ein viktig arbeidsgjevar og samarbeidspart for Vaksdal kommune. BKK er og ein samfunnsaktør med lokalt engasjement som vert sett stor pris på.

Vaksdal er ein av dei kommunane BKK hentar inn store delar av si fortjeneste frå – då har vi og som vertskommune forventningar knytt til BKK om lokale arbeidsplassar, kompetanse og lokal beredskap. Når det no ser ut til at det ikkje er mogleg for konsernet å fortsette med anlegg og vedlikehald i eigen regi, oppmodar vi sterkt om at dei tilsette sine ønskjer om styrt avvikling, og å halde fram med BKK som arbeidsgjevar, vert sterkt vektlagt når styret skal ta si avgjerd.

Lukke til med arbeidet vidare.

Kommunestyret - Sak 81/2021

KOM - Behandling:

Ordførar opplyste om at dette vart ettersendt som ei tilleggssak til kommunestyret etter bestilling frå FPØ i deira møte 31.08.21.

Varaordførar Kjartan Haugsnes, SV orienterte om det politiske arbeidet knytt til prosessen.

Eirik Haga, Ap foreslo språkleg endring i framlagde vedtak avsnitt 5, 2 punktum frå "at det ikkje er mogleg", til "at dei ikkje vil". Boris Groth, Frp foreslo å dele tredje avsnitt i to avsnitt.

Ordførar sitt framlegg til vedtak med dei to redaksjonelle endringane vart samrøystes vedteke.

KOM - Tilråding/Vedtak:

Kommunestyret i Vaksdal kommune vedtek følgjande uttale til styret i BKK Produksjon:

Kommunestyret i Vaksdal vil primært understreke at det er svært beklageleg for dei tilsette og for kommunen at arbeidsplassar knytt til BKK Produksjon på Dale blir lagt ned.

Kommunestyret i Vaksdal vil vidare tydeleg oppmode styret i BKK om å vektlegga dei tilsette og tilsette sine organisasjonar sitt ønskje om ei styrt avvikling av arbeidsplassane på Dale og Matre.

Som vertskommune har vi ingen arbeidsplassar å miste.

BKK har i snart 100 år vore ein viktig arbeidsgjevar og samarbeidspart for Vaksdal kommune. BKK er og ein samfunnsaktør med lokalt engasjement som vert sett stor pris på.

Vaksdal er ein av dei kommunane BKK hentar inn store delar av si fortjeneste frå – då har vi og som vertskommune forventningar knytt til BKK om lokale arbeidsplassar, kompetanse og lokal beredskap. Når det no ser ut til at konsernet ikkje vil fortsette med anlegg og vedlikehald i eigen regi, oppmodar vi sterkt om at dei tilsette sine ønskjer om styrt avvikling, og å halde fram med BKK som arbeidsgjevar, vert sterkt vektlagt når styret skal ta si avgjerd.

Lukke til med arbeidet vidare.

Saksopplysingar:

Jamfør FPØ sak 68/2021.4 - lokale arbeidsplassar BKK, har ordførar Hege Eide Vlk og varaordførarar Kjartan Haugsnes utarbeida forslag til uttale til styret i BKK produksjon.